

Mvù Pôl dé toò jògò mé Timotê

Bèh bieê

¹ Né mè Pôl, mbòn̄ tebê Yeésò *Kristò. Càn̄ Yìlì nùàr bô Yeésò Kristò mé ndèm beèh ðóŋ né gi yoòr seèn hên lé ye mè a, dèn mân̄ kóó.

² Mè nyagá njií né mé wò Timotê. Wò né faá huaán mò ñàr lè nɔ. Bèlò fà ðóŋ né gi temé yoòr Yeésò Kristò kwaá njií. Huaán mò, Càn̄ Tele beèh bô Fehtoò beèh Yeésò Kristò a, kó wò jere, bó kúlú wò, bó haá wò ðólê.

Dene kô̄r

³ Cu mé mè lé nde aá ké Masedínà ndeé, mè ye wò a, dèn lè ké Efêse, te wò yíin bò nùàr ñjèh nyenyenê feèh.

⁴ Júée bó a: té mé bò dèbbè bò tele bòn̄n léi jògò sà̄n lè, bó té mé ðògòtì yilí bò tele bòn̄n sâ gènnè lè ndɔ, wanóŋ saân nde né mé ñjéh lòu yaám seér, te yíin ceér Càn̄. Júée bó a, dé ceér Càn̄ môn̄ sam; wa Càn̄ dé seèn bò nùàr yili sòm seér né mé temé yoòr seèn kwaá njií ma.

⁵ Sâ ðóŋ né ye te bí gwaán kuú lètenè bii gwaán. Mɔ né mân, kɔ bí lè den seér mé temé ñagâ, ndòn̄ bii lòu sé ñgwéh, bí temé bii kwaá njií lom mé Càn̄ ndɔ, sâ ye.

⁶ Wanóŋ bò nuaré ðéi durá yuo gi aá te ceér gècên hên. Bó né seér lè saáne ndugó yilá.

⁷ Dé kàn ye, kɔ júée nyí ña nde né nùà fèh-sóú Càn kɔ́; dé kàn ye, kɔ nùà fèh-njèh júée nyí ndɔ. Á sâ, bó ndègè bò njèh hèllè ñgwé kòmò bèh ndɔ. Né mene sònò bɔ̀n yuo, bó bú ñgwé kòmò bèh lág.

⁸ Béh né gi kɔ́ ye, *sóú né njèh bagaà. Njèh cén, kɔ wò jolo bú faá tueé nê nɔ.

⁹ Dé nùà gècên, sóú bú kɔ́ tágá cú. Càn sóú sou njií né mé bò vevenê bò, bò kwá-sóú bò o, bò táré-feh bò o, bò jéré-temé bò o, bò ñgén-sòn Càn bò o, bò sèb-Càn bò o, bò wúlá-feh bò o, bò wúlá-tele bò o, bò wúlá-meí bò o,

¹⁰ bò gwá sár bò o, bò siíb mé cer seér né bó mbeí bɔ̀n o, bò gò kwer bò o, bò nyeén bò o, bò jègè kòb bò o, dɔ́ɔ́ Càn sóú sou njií né mé bó. Bòó mé gècên faá tueé nê nɔ bèlè bèh dɔ́ɔ́, Càn sóú sou njií cu né mé bó ndɔ.

¹¹ Njàgà Bagaà né gi ménâ tueé. Càn lé jege kwaá naâ beè mò, ye mè a, ndé ménâ feh. Né Njàgà Bagaà mé tueé né felè Càn *Sùsùm, Nùà Ngùrmò.*

Pôl ye njua mé Càn lé naâ nyí jere kɔ́

¹² Mè né lom Fehtoò beèh Yeésò *Kristò vra dé gècên; à mè terreɓ lè seé hên haá né kɔ́. Á lé naá gi kwàgà mò yieé, te à nde ye mè nùà seé seèn mân sie kwaá.

¹³ Sâ léí toò mè lé naá beh bú bunó, mè né bú gèr feh, mè né bú teèn selé yíí. Mé njèh mene, Fehtoò beèh dé sâ táɱ ñgwéh, à né seér mè jere teèn dé kɔ́ kɔ́ yíí, ye mè née temé yoòr nyí kwá

* **1:11 1:11** Nuaá mé né gi mé njèh dɔ́ɔ́ beè. **1:13 1:13** Seé b. 8:3; 9:4-5

njí ngwéeh ye lòu, wa mè boó cur den né mbaá ma.

¹⁴ Yeé baá mân, húóm-temé seèn ka sie mè beè ndo, à kweh seér mè, te mè sie lom bú mé temé cén, mè gwaán bò nùàr seèn mé temé seèn lè.

¹⁵ Kwá mè tueé bí jéjég ngòr; bò nùàr a, siè be mé njéh tég. Jéjég ngòr sâ ye: Yeésò Kristò lé ndeè naâ ká te wónje bò vevenê bò yili som. Kánkán nùà veên sâ lètenè boòn doóné né mè hên.

¹⁶ Mé njéh mene, mè kánkán nùà veên la jògò hèllè, Càṅ né cu mè bagaà lòu boó seér. Sâ doóné ye te bò nùàr ḡene ko siè-temé Yeésò Kristò teèn, te haá bò jomo bò terreb, bó kwaá njií taré temé yoòr nyí, bó ndeè kwa yòṅ tètàgà.

¹⁷ Bò nùàr a, sén Càṅ seèn. Terreb seèn a, sùmù yùò kelà cie dé kèi cên. Nùà Dueè dé cu doóné né bú. Nùàr bú mé njolo ḡéné bèh ndo. Càṅ ndeèr né lom bú. È môn.

Pôl baá Timotê ndéb leéb

¹⁸ Huaán mò Timotê, mè ngòr hên doóné kwaá lo aá beè yeè, te yuo faá bò *sòn-Càṅ bò lé tueé naâ felè yeè no. Mè ye te wò sie be mé njéh, wò lie yí taáb teèn.

¹⁹ Mo wò baá mân boó, kwá ní lòm temé yoòr Càṅ tég, wò bó gí njèh doóné mé ḡágá-temé mene ndo. Bò nuaré déi lé naâ ceér bagaà hên beróné, bó som gi temé yoòr Càṅ. Yeé baá mân, bó lé naâ lòu leér le gíí ndo.

²⁰ Lètenè boòn sâ Himenê mé Alesándà né teèn. Mè lé naâ be felè boòn som, te bó yila nde ko beè *Sátàn, bó né njèh teèn maán, te bó Càṅ sèb cú.

2

Ndéb felè Càṅ duaà

¹ Mè toò jògò tueé logó né ye bò nùàr a: dùà làrè Càṅ felè nùàr dɔ̀ɔ̀ṅ, bó kúgór bú kugòr, bó vra laré bú felè nùàr dɔ̀ɔ̀ṅ ndɔ̀ ma.

² Bó dùà bú felè bò mgbèémgbè mé bò kokoò bò mene, te bó sie dilí nyegé njèh, béh ṅgweé ye fu, temé die béh lè, béh sie lom Càṅ mé temé cén, béh den dene bò kàm bò.

³ Mɔ̀ bí né Càṅ Yilì nùàr mân dua laré, sâ bí bɔ̀ɔ̀ né njií mé né bú njolò dilí huóóm.

⁴ À gwaán né ménâ ndɔ̀, ye te bò nùàr dɔ̀ɔ̀ṅ ṅene kɔ̀ gècèn nyî, bó yili yuo gi.

⁵ Lòù sam, Càṅ gi cegé né bú mé huún. Lètenè Càṅ bó bò nùàr kòù né cegé cén ndɔ̀. Kòù sâ né lom nùà cén; nùà cén sâ né Yeésò *Kristò.

⁶ À lé bò nùàr mé húóm seèn ṅge weéh naâ kɔ̀ɔ̀. Lé naâ te cu mé Càṅ lé nyegé kwaá naâ ndɔ̀. Yeé baá môn, ṅené yuo kelà bèsónè, ye Càṅ gwaán né bò nùàr dɔ̀ɔ̀ṅ yili sɔ̀m ma.

⁷ Càṅ lé mè mbòṅ tebê seèn hèn sie kwaá naâ dé cí, ye mè a, ndé ṅgòr nyî lètenè bòó mé Júf sam se yɔ̀ṅ; wa fèh bó feèh, né ṅgòr gècèn, te bó kwaá njií temé cén teèn ma. Né ka môn jég, mè nyeén túé ṅgwéh.

⁸ Yeé baá môn, mè né lom gwaán, ye bò siíb a, dùà làrè bú bèh dɔ̀ɔ̀ṅ, bó sòm nji be Càṅ duaà ter, bó dùà lòm bú mé temé ṅagâ. Tɔ̀gɔ̀ mé saân a, té lètenè bɔ̀ɔ̀n fúru kè.

⁹ Bò véh a, sù yí cògò teèn, bó fón gèh cògò mé né te ceér-e, bó su lom cí; bó té feh lòu nyàgà góné; bó té yíyâr mé gòm bègè yí, bó té cògò bègè sù ndò.

¹⁰ Bó bó sér bò seé dé bebagaà mé né teèn yilá, te feh keéh ye bó né Càn veéh.

¹¹ Mò bò véh baá ju Càn maán, bó té sòn kòmò, bó léb sér teèn lòu.

¹² Mè né ma vèh yíin; bú a, té bò síib njèh kóó fèh sér, à mé sòn toò bò síib sam ndò; bú a, húné lòm nòón.

¹³ Lòu sam, Càn lé me logó naâ Ádàm, te à nde ye Evà meé.

¹⁴ *Sátàn lé Ádàm bèlè ná ngwèh, à lé belé naâ Evà. Evà lé *sóú Càn kwaà naâ kóó.

¹⁵ Mé njèh mene, ma vèh nde né mé bò huaán yili yuo; kò à né temé yoòr Càn kwaá njií ndò, à né bò mbeí mé temé cén gwaán, à bò nùàr doó káré sì ngwéh, à né veèn nyenné, sâ ye.

3

Seé bò kokoô bò gwà Càn

¹ Kwá mè tueé wò jéjég ngòr. Jéjég ngòr sâ né: nuaá mé gwaán né dé seèn seé gwà Càn, ye te bó haá beè nyí, fón kwa baá seé dé bagaà kèn.

² Sâ bú a, dèn nuaá mé yilí seèn ngúlí vé ngwéh, à dèn lòm mé véh cén, à té mbè sèlà, à dèn nùà kógòn, à bó yí njèh te ceér-e. Bú a, dèn nùà wèh-kìn; bú a, dèn lòm nùà fèh-njèh dé gècèn;

³ à té sibi, à té sà fón, à té nùar mgbé, à dèn sér dolésé, à té kàgàlòṅ gwàn sèlà ndo.

⁴ Bú a, dèn nuaá mé né mbàgà seèn nyegé komo, à kò nyegé bagasé ye bò huaán nyí né tie ṅweé, bó né leéb, sâ ye.

⁵ Wanóṅ mɔ nùar mbàgà seèn nùà njèh nyégé kó ṅwéh, à mbàgà dé Càṅ nyegé komo nde né naàn wa?

⁶ Mɔ bí nde aá nùà koô sie, bí té nùà feê siè. Mɔ sam, à nde né mé njèh lòù punó seér, te à die ju beè Càṅ, faá *Sátàn lo dieé naâ nɔ.

⁷ Mɔ bí nde aá nùà koô sie, kò bú a, dèn dene bò kàm bò, te bò loó bò veéh ye bú ndo. Mɔ sam, bó nde né bú seb; fegùli sé ye baá bú sie, à sela yuií Sátàn.

Bò mabon gwà Càṅ

⁸ Bò mabon gwà Càṅ a, dèn lòm cu doṅ dene bò kàm bò ménâ ndo, bó té sòn fà túé. Bó a, té mbè sibi, bó té kàgàlòṅ mé kòb mene fón;

⁹ bó kwá njí gí temé te ṅòr gècèn mé Càṅ né béh feh hèn, bó ṅaga seér temé lè.

¹⁰ Mɔ bí nde aá mabon gwà Càṅ sie, bí jògò kwé nyége bú bagasé ye; mɔ à kela né kelà, à yila ye seé sâ.

¹¹ Bò véh boòn a, dèn lòm dene bò kàm bò ménâ ndo, bó té sòn túágá sàr gò, bó té mbè sèlà, bó dèn lòm te njèh doṅ kóbè sâ.

¹² Mabon gwà Càṅ a, dèn lòm mé véh cén; bú a, dèn nuaá mé né bò huaán nyegé komo, à né mbàgà seèn nyegé komo ndo.

¹³ Bò mabon gwà Càṅ mé né gi seé boòn faá Càṅ tueé nê nɔ boó komo doṅ nde gi né njolò

bò nùàr lieé huóóm. Bó ñgòr Càn sâ tueé lom nde né mé terreb teèn, ye bò nùàr a, bó temé kwá ñjí gí yoòr Yeésò *Kristò ma.

Tàṅṅòr ñjèh nâb déi

¹⁴ Mè né munó ye, mè ndeè né ké yoòr yeè ndeé. Mé ñjèh mene, mè ye, kwá mè nyagá ñjii ṅṅṅṅò wò lòu ye.

¹⁵ Mò mè né mene ṅgagá, te wò ṅene mvù hên, wò kò gèh dé mé bò nùàr Càn nde né den. Bò nùàr Càn sâ, mè jue né mbàgà Càn. Càn mé né Càn làn lé naâ gècèn seèn teèn nyeén kwaá, te kù den bú sâ, à taá kwaá gècèn sâ ter kóó.

¹⁶ Mè tueé bí, dé saân sam, bò ñjèh nâb mé Càn né béh te ceér seène feh hên né lom tàṅṅòr, ye:

À lo naâ nùàr ṅaá.

Cúcuí ṅagâ feh keéh ye à né dilísé.

Bò cìlì Càn lé naâ bú mé njolo ṅené.

Lò nùàr ṅgweé gí ju seèn.

Bèh doóṅ bò nùàr né temé yoòr seèn kwaá ñjii.

À ṅaá nde cu aá ké te vulúu kèn.»

4

Bò nyeén bò

¹ Sâ Cúcuí ṅagâ lé naá gii bèsóñè tueé kwaá, ye mò wón nde aá gii wa, bò nuaré déi nde né temé yoòr Yeésò *Kristò sòm, bó kwaá ñjii seér yoòr bò cècàn mé nde né bó bele weh gii, wa bó nde né ṅgòr bò tándulù ṅgweé seér ndò.

² Ye bó nde né mé feh boòn beè bò tánágá bò leér le gii. Lòu sam, bò sâ bò mé ndòn lè sam cuú; ndòn boòn fií yuo aá kèn.

³ Bò nyeén bò sâ nde né bò nùàr ndéb vevenê tieè kurá kwaá; bó nde né bò nùàr tueé, ye bó a: té véh jógó, bó té gèh yáb dé kàn yíé, bó té dé kân yíé ndò. Á sâ, Càṅ lé bò yáb sâ doón si giì naâ koó ndò, ye te bòó mé né temé yoòr nyí kwaá njií, mé né gècên nyí koó doón yieé beh ménâ, bó né nyí teèn vra ma.

⁴ Mè tueé bí, sâ bò njií mé Càṅ lé si giì naâ doón né gi бага. Mò né mân, nùàr té déi teèn mbaá jìnè kú; bú a, vrà lòm Càṅ dé vraà, à yieé njií sònò.

⁵ Ngòr Càṅ bô Càṅ duaà nyegé gi aá bò njií sâ beè Càṅ kèn.

*Nùà seê Yeésò *Kristò dé багаà*

⁶ Mò wò né bò nùàr ndéb mân leéb nyegé, sâ wò né nùà seê Yeésò Kristò dé багаà, wò né te ngòr Càṅe kulá ndeé. Lòu sam, wò né temé te ngòr gècên kwaá njií, wò né ceér Yeésò bele.

⁷ Mò né mân, té be yeè te dèbbè bò jògò bò yí, né gènnè tándugô, ceér Càṅ sam. Mán sér dé yeè gò nùà Càṅ.

⁸ Gò dé ká te *wónje mé yo taré nde né mé njéh né ka teèn huóm weh ndò. Mé njéh mene, gò dé beè Càṅ huóm kela né koó. Mò wò né faá Càṅ gwaán nê nò gò, sâ wò baá gi kènê mé yòṅ teèn, te wò ndeé kwa cu ye yòṅ dé tètàgà.

⁹ Bèlè môn, jéjég ngòr né cí; bò nùàr a, siè be mé njéh tég.

¹⁰ Béh seé hên lege kuú né dé cí. Lòu sam, ndèm beèh doón né gi yoòr Càṅ; à né Càṅ làn, Yìlì nùàr né bú; à né dé bò nùàr doón ndò. Tétég né dé bòó mé né temé boòn yoòr seèn kwaá njií.

11 Fèh jí bò nùàr ngòr hên δούη, ηεί lòm bó yoòr tég.

12 Té gwàn mé nuaré déi seb wò, wa wò née huaán maàn ye. Mè tueé wò, dèn lòm dé yeè toò bò Yeésò bò faá mòu ηο, wò gο feh seér bó gò bò Yeésò bò. Ngòr yeè a, dèn môn; dene yeè môn. Ngò fèh bó gwaán yeè, wò ηgο feh bó temé yoòr Yeésò kwaá ηjií, wò jolo feh bó ηδ.

13 Cu mé wò née mè kela den hên, fágá lòm feh tég, wò né ηgòr Càn ηέ ter toò bò nùàr jané ηjií, wò né bó se, wò né bó feh nyegé ηδ.

14 Té seé yeè mé Càn lé haá kwaá naâ beè yeè sâ sèb. Wò lé terreb sâ kwaá naâ cu mé bò *sòn-Càn bò lé naâ felè yeè tueé doò, bò kokoò bò lé naâ wò be felè baá ηδ.

15 Mè tueé wò, kè nyégé seé sâ bagasé, bó lòm bú mé temé cén, te bò nùàr ke ηjií ηjolo teèn, bó kο ye wò né te ceér Càn ηe tetoò yaám ndé.

16 Bòn feh yeè mé dene yeè. Njií mé wò né bò nùàr feh δούη, bòn feh yeè mé ηjéh ηδ. Dèn lòm teèn tég, te wò yili sòm gùm yeè nùà ηjèh, wò yili sòm keéh bòó mé né sòn yeè ηgweé ηδ.

5

Dene toò bò Yeésò bò

1 Mο wò nde aá nùà kàm ηjèh tueé, té bú lòu ndè, né tele yeè, túé ηjí bú mé hueh δολê. Kè nyégé bò ndà bagasé ηδ, kè ηjí bó δούη faá bò dé yeè ηο.

2 Bò véh mé né ké toò yeè, wèh kwá bó faá bò meí yeè ηο; bòó mé né jomo yeè faá bò tie yeè ηδ, jòlò lòm bó mé temé cén.

³ *Sùmù nyégé ma kù bagasé. Mɔ né ma kù dé gècên, té njolo mé bú cì.

⁴ Á, mɔ ma kù né mé bò huaán teèn, wa né bò ndù seèn wa, sâ júée bó a, bó jògò gàm lógô bú kɔ́ ye, wa seé bò Càn bò né cí ma, te bó meh mé njéh meèh. Bó a, kɔ́ ye bò tele bɔ̀n lé naâ bó ménâ koó ndɔ ma. Mɔ bó né ménâ bɔ́, nde né Càn njolò dilí huóóm.

⁵ Mɔ ma kù mé bó jue né ma kù sâ né lom dé seèn mé huún, nùà gàm déi toò sam, sâ ndèm seèn dɔ́n né gi yoòr Càn, à dé seèn sòn mé Càn duaà dù ndé ηgwéh, à nde né bú cíbí mé lou mene dua den, ye bú a, gàm nyí teèn ma.

⁶ Dé ma kù mé né *wɔ́n gwaán, môn sam; à née mene làn, à baá gi dé seèn komó. Dé sâ né môn.

⁷ Ndògò nyégé bó tie mé ηgòr hèn bagasé, te yilí bɔ̀n ηgúlí vé cú.

⁸ Mɔ nùàr temé yoòr bò nùàr seèn kwá njí ηgwéh, tétég mè jue né mbàgà seèn, mɔ à temé teèn kwá njí ηgwéh, sâ à né ceér Yeésò *Kristò seb; sâ nùà bú sénâ veèn seèn né dé bò Càn-kò dɔ́n dulí yɔ́gò.

⁹ Mɔ wò nde aá yilí ma kù déi lètenè bò mbeí nyagá yíí, kɔ à yɔ́gò keéh baá nyèmà yulà ténjén; kɔ à gwòm cùm bèh ndɔ;

¹⁰ kɔ bò nùàr né yeé seé seèn keí, ye à lé naâ bò huaán bagasé koó nyegé, sâ ye. Kɔ bó ye à lé naá beh kìn ké lo seèn weh njí; à né bò Càn bò gule beè yaga kwaá, à né bò nùàr te gèr-e gam, sâ ye; kɔ à lé naâ bò njèh bebagaà mé temé seèn mene bɔ́ laré. Mɔ né gi ménâ, wò nyagá ye yilí

seèn.

¹¹ Mɔ ma kù né cui, té yilí seèn te mvù mbaá nyàgà kú. Lòu sam, cu mé njií sâ nde cuù né bú ñaá, à nde né ceér Yeésò Kristò doó si njií, à nde siíb seèn jógó.

¹² Sé yeé baá môn, sòn mé à lé komó naâ toò bò nùàr ye nyí siíb jógó ndé cú hèllè sie bú ndo.

¹³ Mɔ sam, wò sé yeé baá bú nyagá, à logo le, à yila baá-re gùgwò mvuaán gɔò. Sé yeé yɔgó baá, à yila tuaga sar gɔò, à né ñgòr bò nùàr hua weh bele. Bò njií mé à sé la sònò fèlà ná ñgwêh, à suaré seér cí.

¹⁴ Mɔ né mân, sâ ma kù mé né cui a, jógó kó dé seèn siíb, à sie nyegé gwà; bó ñar kwa huaán teèn, te bò bònò bò veèn yoòr beèh túé ní cú.

¹⁵ Wanɔ́ɔɲ bò ma kù déi si lo gi aá ceér Yeésò Kristò, bó né *Sátàn ñgo seér.

¹⁶ Mɔ ma Yeésò Kristò déi né mé ma kù déi jomo, bú a, ndé gàm sér ma kù sâ kɔ́, te bò Càɲ bò gèr mé njéh ñéné cú; te bò ma kù mé né bò dé gècèn le lom beè bò Yeésò bò kɔ́.

¹⁷ Bò kokoò bò mé né seé lètenè bò Càɲ bò bɔ́ dílí huɔ́m dɔ́ɲ, bí vrà bó dé bɔ̀n te mbei fà. Mè tétég jue né bɔ́ mé se yeé ñgòr Càɲ mé temé cén, mé né ñgòr Càɲ feh ndo.

¹⁸ Lòu sam, né te mvù Càɲe ménâ nyagá den, ye: Nàgà mé né yolo mé gule lobo, bí té bú kagá sònò yí kwá!» Ye nùà seé a, dèn mé sàgà seé dé seèn teèn ndo ma.

¹⁹ Mɔ bó né nùà koò gwà Càᅇ déi toò yeè mé ju bele, téé sòn kòmò ye, ko wa baá nùà fà mé tagár mé naâ njií sâ ñené, sâ ye.

²⁰ Mɔ bò nuaré déi né veên bɔ́, ndè sòm bó cie toò bò nùàr dɔ́ᅇ, te veéh sie bò jomo bò sieè.

²¹ Mè né wò tueé; mè tueé né wò toò Càᅇ mé toò Yeésò Kristò. Bò cìlì Càᅇ mé à lé balé kwaá naâ, né gi ᅇgweé ndɔ. Mè ye wò a, té ᅇgòr hèn nyèn, bó lòm ménâ, té gwèn teèn kwá. Bò njií mé wò né bɔ́ dɔ́ᅇ, bó lòm be cén.

²² Téé nuaré déi be felè kwar cén mbaá bá, ye bú a: ndé bèh seé Càᅇ. Jògò kè nées seé seèn keè ye. Té te veên nuaré déi diè yílá, dèn lòm dé yeè ᅇgásé.

²³ Kènê té ndândaà nòmò ᅇúé cú, ᅇúé téná wèh mbè teèn ᅇgób, te gam lèi mé né wò yulá doò.

²⁴ Veên né hihiné. Veên bò nuaré déi jògò ᅇgumó yuo kela logô nées cie ye, te bò nùàr nde ye ju teèn tená; bò déi ko bó tena gi aá ju, ñené yuo kela ye cie.

²⁵ Bò seé bebagaà né gi ménâ ndɔ, bó né gi bèsònè ñené den. Bòó mé nées mene lòu leér den, nde gi né cie yuo kelá.

6

¹ Júée bò kwer a, ᅇgwé nyégé sòn bò tele seé bɔ́n bagasé; bó a, sùmù húóm lòm bó mé temé cén, te nuaré déi yilí Càᅇ fèlà béh cú, te bó njií mé béh né feh hèn bó béh cú ndɔ.

² Bò kwer mé tele seé bɔ́n né bò Yeésò bò, mè ye bó a, bó té bò tele seé bɔ́n sèb, wa lòu sam,

bó bó né gi kèi cén toò Yeésò *Kristò ma. Mò sé la né bèh kei wa, bó sé la seé boó kela seér naâ mé bó. Lòu sam, bó gam né bò Yeésò bò, bó bó né gi mé ceér cên, bó né bó gwaán ndo.

Bò nyenyenê bò

Ndé bò nùar ngòr hên feh, ñéi lòm teèn tég.

³ Mò nuaré déi né bò nùar ngòr dé hiîn feh seér, à ngòr gècên mé lé yuoó naâ sònò Fehtoò beèh Yeésò Kristò fèh ñgwéh, mò à tòu seèn mé béh né yeé feh doò fèh ñgwéh ndo,

⁴ sâ nùà hèllè njeré déi kó ñgwéh, à punó mbou go né lòu. Lè seèn kurú lom né saân, à dé seèn togo nde lom né felè bò ñjàb ngòr ndo. Sé yeé baá môn, huer yuo teèn, togo bô séb kólé die teèn, júéb nde né cie bomó sue ndo.

⁵ Bó yeé leér lo aá ceér gècên, bó baá lòu go cur seér, madar saân ko die lètenè boòn ndo. Sâ doón bó munó gi né ye, mò nùar baá tòu Càñ feh wa, à nde né kàgàlòn ñgún teèn kwa ma. Kàmber sâ ndóg dé kàgàlòn sam.

⁶ Mè gwaán aá ndo, tòu Càñ né ngúlú dueè bòn. Njèh cén, ko temé nùar né lè mé bò njèh dé seèn nùà njèh huóóm ndo, sâ ye.

⁷ Béh lé ká te *wónje waà naâ be be. Mò béh baá kuú, béh cu cu nde né be be ndo.

⁸ Mò waà ká toò, béh baá yáb mé cògò mene teèn kwa, sâ wulu né wulù mà.

⁹ Bòó mé gwaán gi né njèh doón kwa larê, *Sátàn nde né bó sòn teèn felá sie, à nde né bó mé njèh hihiné nyuagá keéh, bó nde né teèn ndugó yilá, bó sela yuii seèn, bó sibí le teèn ndo.

10 Tétán né yeé kàgàlòn. Dògòtì yúlá-temê bò nùàr dɔ́ɔ́n bilí gi né felè kàgàlòn gwaân. Bò nùàr kókoó mbaá yuo kwaá lo gi aá ceér Càn felè kàgàlòn, bó né te gèr-e sielé yilá, gèr né lom bó seé faá cí no weh ndo.

Bèh cerê

11 Dé yeè, wò nùà Càn, beè yeè a, té ménâ dèn; sòm be yeè te bò njií sâ dɔ́ɔ́n, lègè lòm tég te wò den dilisé, màn sér dé yeè gò nùà Càn, kwá nji lòm temé yoòr seèn, kó lòm bò mbeí yeè gwaân, yóló bó yolò, dèn lòm toò bɔ̀ɔ̀n yébbè yébbè mân ndo.

12 Líe lòm taáb mé temé cén faá nùà Càn no, kúmó kwá yòn tètàgà beè tég; Càn lé wò hèn yilá kuú naâ dé cí. Wò lé naá gi toò bò nùàr ngún mé gècèn mene tueé, ye nyí kwaá njií aá temé teèn.

13 Mè nde né wò ndéb tieè kwaá kwaá. Càn né ngweé; yòn dɔ́ɔ́n haá yeé bú. Yeésò Kristò né ngweé ndo; à lé naá gècèn seèn toò Pónsè *Pilátò ménâ tueé. Bó né gi ngweé. Mè ye wò a:

14 jòlò nyégé *sóú Càn bagasé, kébbé nyégé bagasé, te Fehtoò beèh Yeésò Kristò ndeè cuù, sâ née ñagásé tâñ, veèn déi teèn kè mà ñgwéh.

15 Càn nùà ñhèh ndeè cu sâ tueé nde né kɔ̀ɔ̀. Terreb dɔ́ɔ́n né gi beè seèn, bú Nùà ñgùrmò.* Mgbè bò mgbè né lom bú. Nùà Dueè felè bò dudueèr bò dɔ́ɔ́n gi lom né bú ndo.

16 Nuaá mé dé seèn kú ndé ñgwéh gi cegé né bú. Bèh cèrè seèn né lom yí te njolo ñagâ jéjég;

6:13 6:13 Jân 18:37 * **6:15 6:15** Nuaá mé né gi mé ñhèh dɔ́ɔ́n beè.

nùàr a, bó mene naàn, à ké teèn wá nyì ndé
ngwéh.

Nuaá mé ñene ñgweé aá bú mé njolo née sam
ye;

ndóg nuaá mé nde né bú njolò ñené, teèn sam
nde ñgweéh ndo.

Bò nùàr a, sèn bú seèn;

terreb dé seèn né dé nyèmà mé nyèmà. È môn!

¹⁷ Hên né ndéb bò sèsàm bò; júée bó a, mo bó
baá ñgùlù wôn yieé satí, bó té ñgàñ fù; bó té
ndèm mé ñgúlú wôn mbaá kwá ñjí kú, né wàn;
bó ndèm kwá ñjí sér mé Càn. À béh ñjèh dón
haá gi né kóó, ye te béh samé huóm mé ñjéh
ma.

¹⁸ Sógó bó sògò, te bó bóó komo bagaà, júée bó
a, bó bó màgà kélá sér cí ma; bó dèn làgàtì, bó
há ñjí lòm be mbaá ma.

¹⁹ Mo bó né ménâ bóó, sâ bó né bò ñgúlú bòn
ter dé cieé kwèh leér kwaá, te bó ndeè kwa yòn
tètàgà teèn.

²⁰ Huaán mò Timotê, seé mé Càn né wò beè
jege kwaá hên, kébbé nyégé bú tég. Mo bò nùàr
baá bò wòb ñgòr doô kwarè yeè tueé den, ye bó
né ñjèh kóó sé wa, té sòn yeè teèn yí gùm dón;
dé sâ ceér Càn sam;

²¹ wanón bò nuaré déi som gi aá temé yoòr
Càn kèn, bó né lòu tueé gobó seér, ye bó né gi
kóó sé wa. Té sòn yeè teèn yí.

Húóm-temé Càn a, ká siè jí bí dón beè.

Mvù Ngòṅ Feê
Mambilla NT (Cameroon-Le Nouveau Testament en
mambila)

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025
f0e8e7ba-c2cf-57f7-9a60-8ff0e792e158